



Concello de Vigo

D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 16 de xullo de 2021** adoptou o seguinte acordo:

2.- CONCESIÓN SUBVENCIÓN Á FUNDACIÓN MUJERES POR ÁFRICA, “PROXECTO ELA ESTUDA POR DOIS” (CABO VERDE). EXPTE. 220445/301.

Visto o informe de fiscalización de data 13/07/2021, dáse conta do informe-proposta do 30/06/2021, asinado polo xefe de Área de Benestar Social, polo asesor xurídico adxunto da Área, pola concelleira-delegada de Política de Benestar Social e polo concelleiro-delegado de Orzamentos e Facenda, que di o seguinte:

I. ANTECEDENTES

I.1. En data 24.06.2021 (Docums. núms. 210113500 e 210114339), a «FUNDACIÓN MUJERES POR ÁFRICA» presentou no Rexistro electrónico do Concello de Vigo unha solicitude de subvención para o desenvolvemento do proxecto: “*Estrategia de apoio en el contexto Covid 19 para estudiantes embarazadas, puérperas y madres de las escuelas beneficiarias del Proyecto Ela Estuda por Dois (Cabo Verde)*”, co que se pretende previr o abandono e o fracaso escolar destas mulleres estudantes en catro escolas secundarias da Illa de Santiago, en Cabo Verde.

I.2. Achegouse tamén a documentación administrativa necesaria para a concesión da subvención: datos identificativos da entidade, Proxecto/Memoria xustificativa coa sinatura da Directora xeral da Fundación, certificacións administrativas de cumprimento das obrigas tributarias e coa SS.SS., escritura de constitución da Fundación, estatutos sociais, acreditación da representación, CIF, certificación bancaria actualizada, declaración de non estar inhabilitada nin incurso en prohibición para ser beneficiaria das subvencións públicas, etc.

I.3. Mediante Resolución do 29.06.2021, a Concelleira delegada da Área de Política de Benestar Social ordenou a incoación de expediente administrativo para a tramitación e resolución de subvención a favor da «FUNDACIÓN MUJERES POR ÁFRICA» para a execución dese proxecto.

II. NORMATIVA RELACIONADA

- Declaración Universal de Dereitos humanos, 10 de decembro de 1948.
- Pacto Internacional de Dereitos Cívís e Políticos, 19 de decembro de 1966.
- PIDESC (Pacto Internacional de Dereitos Económicos, Sociais e Culturais, 19 de decembro de 1966).
- Convención internacional sobre os dereitos do neno, adoptada pola Asemblea Xeral da ONU o 20 novembro de 1989.
- CE/1978 (Constitución española, 29 decembro 1978).



Copia do documento - Concello de Vigo	Data impresión: 04/07/2024 09:36	Páxina 1 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- Carta Europea de Autonomía local, Estrasburgo 15.10.1986 (BOE nº 47, 24.02.1989).
- EAG (Estatuto de Autonomía de Galicia; LO.1/1981, do 6 de abril).
- LO.2/2012, do 27 de abril, de Estabilidade orzamentaria e Sostibilidade financeira.
- L.23/1998, do 7 de xullo, do Estado, de Cooperación internacional para o desenvolvemento.
- L.2/2014, do 25 de marzo, da Acción e do Servizo exterior do Estado.
- L.10/2021, do 9 de marzo, reguladora da acción exterior e da cooperación para o desenvolvemento de Galicia.
- D.29/2017, do 9 de marzo, de cooperación para o desenvolvemento.
- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.15/2014, do 16 de setembro, de racionalización do Sector Público e outras medidas de reforma administrativa.
- LALGA (L.5/1997, do 22 de xullo, de Administración local de Galicia).
- TRRL (RDLEX. 781/1986, do 18 de abril, Texto refundido das disposicións legais vixentes en materia de Réxime local).
- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).
- LRXCA (L.29/1998, do 13 de xullo, reguladora da Xurisdicción contencioso-administrativa).
- L.19/2013, do 9 de decembro, de transparencia, acceso á información pública e bo goberno.
- L.13/2008, do 3 de decembro, Lei de servizos sociais de Galicia.
- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- RD.794/2010, do 16 de xuño, polo que se regulan as subvencións e axudas no ámbito da cooperación internacional que se concedan pola Admón. do Estado.
- TRLRFL (RDLEX. 2/2004, do 5 de marzo, Texto refundido da Lei reguladora das Facendas locais).
- Orde EAH/3565/2008, do 3 de decembro, modificada pola Orde HAP 419/2014, do 14 de marzo, pola que se aproba a estrutura dos orzamentos das Entidades locais.
- RD.130/2019, do 8 de marzo, polo que se regula a BDNS e a publicidade das subvencións e demais axudas públicas.
- Bases de execución do Orzamento xeral – Concello de Vigo.
- Instrucción 1/2014 da Intervención xeral municipal sobre aplicación da L.5/2014.
- Nota informativa do 16.03.2016 da Intervención xeral municipal sobre a BDNS.

III. INFORME

III.1. Tal como resulta da documentación achegada e da Orde ECD/287/2012, do 3 de febreiro, pola que se inscribiu no “Registro de Fundaciones” a «FUNDACIÓN MUJERES POR ÁFRICA», (BOE nº 43, do 20.02.2012), esta entidade foi constituída o 19.10.2011 en escritura pública outorgada perante o notario de Madrid, D. Juan Bolas Alfonso, que foi subsanada por outra de data 31.01.2012 perante o mesmo notario autorizante.



Copia do documento - Concello de Vigo	Data impresión: 04/07/2024 09:36	Páxina 2 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

III.2. De acordo cos Estatutos que rexe esta Fundación sen ánimo de lucro, de interese xeral e carácter particular, os seus fins son: «*El interés educativo, cultural, sanitario, de cooperación al desarrollo, de fomento de la economía social y de promoción y atención a las mujeres africanas, con el fin de promover, a través del empoderamiento y la igualdad de derechos y oportunidades de las mujeres, el desarrollo y el progreso del continente africano*» (Art. 1.2 Estatutos).

III.3. A implementación dos fins desta Fundación realizarase a través de actuacións tales como a elaboración, dirección e execución de proxectos de desenvolvemento educativo, sanitario, económico e social e a preparación e edición de libros, revistas, publicacións, etc., para a difusión das ideas que constitúen o seu fin (Art. 8.1, Estatutos).

III.4. O cumprimento dos seus fins fundacionais poderá levarlos a cabo a través de diferentes medios e instrumentos, entre os que se cita expresamente a solicitude de apoios, axudas e subvencións das Administracións públicas (Art. 7.2, último pfo., Estatutos).

III.5. Segundo se informa no proxecto presentado ó Concello de Vigo pola «FUNDACIÓN MUJERES POR ÁFRICA» (pp. 4-6 Prox. “*Estrategia de apoyo en el contexto Covid 19 para estudiantes embarazadas, puérperas y madres de las escuelas beneficiarias del Proyecto Ela Estuda por Dois (Cabo Verde)*”):

«Durante el año académico 2019-2020 fue implementado el proyecto Ela Estuda por Dois, una iniciativa del Instituto Cabo-verdiano para la Igualdad y Equidad de Género (ICIEG) junto con el Ministerio de Educación (ME), que contó con el financiamiento de la Fundación Mujeres por África y del Concello de Vigo, España. Este fue un proyecto-piloto que benefició a 4 escuelas secundarias de la isla de Santiago, dos del medio urbano y dos del medio rural, concretamente: Liceo Domingos Ramos (Praia), Liceo Amílcar Cabral (Santa Catarina de Santiago), Escuela Secundaria Luciano Garcia (São Lourenço de Órgãos) y Escuela Secundaria Alfredo da Cruz Silva (Santa Cruz). Los resultados de este proyecto fueron: a) un diagnóstico sobre los desafíos para garantizar la permanencia de las alumnas embarazadas y madres en la escuela, y para afianzar sus derechos a una educación de calidad y a la igualdad de oportunidades; b) una Guía de Recomendaciones para las escuelas acompañada de materiales de socialización en relación al Decreto-Ley 47/2017 y a los contenidos de la Guía. Actualmente las cuatro escuelas están implementando la Guía de Recomendaciones. Conforme los resultados del diagnóstico elaborado en el marco del proyecto Ela Estuda por Dois, tanto el profesorado como el alumnado estuvieron de acuerdo en que la falta de condiciones económicas es la principal causa para que las alumnas suspendan la matrícula o abandonen la escuela. Del mismo modo, tanto en los grupos focales como en las entrevistas realizadas con alumnas embarazadas y madres, resaltaron que muchas veces se encuentran con dificultades económicas que condicionan su permanencia en los centros de enseñanza, ya que no consiguen pagar el transporte, la matrícula o el uniforme (...) Adicionalmente, el contexto actual no puede ser entendido sin tener en cuenta la influencia y las consecuencias del coronavirus – Covid-19. La pandemia impacta de forma diferente a mujeres y hombres debido a las desigualdades de género previamente existentes en los sistemas de salud, a nivel económico, socio-cultural y comportamental. El programa de las Naciones Unidas para el Desarrollo, PNUD, UNFPA y ONU Mujeres alertan que la crisis del Covid-19 nos afecta a todos y todas; sin embargo, mujeres y niñas están siendo impactadas de diferente forma y podrían enfrentar riesgos económicos, sanitarios y sociales desproporcionados, exacerbando las desigualdades de género existentes. También alertan que el Covid-19 puede tener consecuencias económicas serias y de largo alcance para mujeres y niñas, y esos impactos deben ser reconocidos, prevenidos y mitigados. En el caso específico de las estudiantes embarazadas, puérperas y



Copia do documento - Concello de Vigo	Data impresión: 04/07/2024 09:36	Páxina 3 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

madres el impacto del Covid-19 a nivel económico incrementa las probabilidades de que estas abandonen los estudios y reduce la probabilidad de que vuelvan a la escuela...».

III.6. No ano 2013 aprobouse en Cabo Verde o “Estatuto do neno e do adolescente” (ECA), promulgado o 26 de decembro mediante a Lei 50/VIII/2013, no que se indica (Art. 47) que: «A nena / adolescente embarazada non pode ser incentivada a interrompir os estudos ou a abandonar a escola»; disposición desenvolvida polo posterior Decreto 47/2017 «...que establece por primeira vez medidas para garantir a permanencia en el centro de enseñanza y la educación de las embarazadas, madres y padres estudiantes, promoviendo la igualdad de oportunidades en la promoción del éxito escolar. Indicando, entre otras medidas, la necesidad de: un régimen especial de faltas para las alumnas embarazadas, madres y padres; modificación de la fecha de entrega de trabajos y exámenes; el derecho a la orientación específica de los Servicios de Orientación Social de la escuela; el uso de una metodología adecuada para garantizar la mejora de los resultados escolares; la formación del cuerpo docente en salud sexual; entre otras medidas». (páx. 9-10; Prox. “Ela Estuda por Dois”, 2019).

III.7. O proxecto da Fundación en 2021 pretende implementar accións concretas para mitigar o impacto da COVID-19 nas estudantes embarazadas, puérperas e nais (especialmente aquelas en situación de risco ou de exclusión social) das escolas secundarias beneficiarias previamente do Proxecto “Ela Estuda por Dois”, contribuíndo a garantir o seu dereito a unha educación continua e de calidade. Así mesmo, o proxecto busca salvagardar a saúde das alumnas, facilitando o acceso a materiais hixiénico-sanitarios e de protección (máscaras e xel hidroalcohólico).

III.8. O orzamento estimado por «FUNDACIÓN MUJERES POR ÁFRICA» para levar a cabo este proxecto humanitario é de 12.000€ e o importe da subvención que se solicita ó Concello de Vigo de 10.000€.

III.9. Os orzamentos do Concello de Vigo non prevén a referida subvención con carácter nominativo. Con todo, a posibilidade da súa concesión directa, con carácter excepcional e por razóns de interese público, social, económico, HUMANITARIO ou outras que dificulten a súa convocatoria pública está expresamente prevista nos Arts. 22.2.c) da LXS, 19.4.c) da LSG e 67 do RD.887/2006 e, no mesmo sentido, na Base nº 38, Apdo. 5.2, das de execución dos orzamentos municipais, que esixe acreditar a singularidade e as razóns acreditativas do interese público, social e HUMANITARIO concorrentes nas subvencións deste tipo.

III.10. A Disposición adicional 2ª da LSG, posta en relación co seu Art. 19.4, posibilita tamén a concesión directa das subvencións en materia de cooperación para o desenvolvemento reguladas hoxe na L.10/2021, do 9 de marzo, reguladora da acción exterior e da cooperación para o desenvolvemento de Galicia, que inclúe entre as prioridades da cooperación galega a atención ás situacións de maior pobreza e desigualdade e establece a intervención prioritaria en ámbitos ou sectores como o exercicio dos dereitos sociais básicos polas persoas e os colectivos máis pobres e vulnerables (saúde, educación, alimentación, hábitat e auga e saneamento básico), a igualdade de xénero e o apoderamento e exercicio pleno e integral de dereitos das mulleres e da infancia ou a educación para a cidadanía global.

Entendemos que no presente caso xustificáranse tanto a excepción dos principios xerais de publicidade e concorrencia que deben rexer esta materia como o interese público, social e



Copia do documento - Concello de Vigo	Data impresión: 04/07/2024 09:36	Páxina 4 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

HUMANITARIO da subvención á «FUNDACIÓN MUJERES POR ÁFRICA», destinada a prever o abandono e o fracaso escolar das estudantes embarazadas, puérperas e nais en catro escolas secundarias da Illa de Santiago, en Cabo Verde e mitigar os efectos da pandemia da COVID-19.

III.11. O procedemento para a concesión destas subvencións iníciarase de oficio polo centro xestor do crédito orzamentario ó que se imputa á subvención ou por instancia do interesado e rematará coa resolución de concesión ou coa formalización do correspondente convenio.

A concesión desta subvención estará suxeita, especificamente, ás condicións e compromisos establecidos na propia Resolución de concesión (Art. 26 LSG, Art. 28 LXS, Art. 67 RD.887/2006 e Base 38 das de execución dos orzamentos xerais): obxecto, beneficiarios, crédito orzamentario, compatibilidade/incompatibilidade con outras subvencións, pagamento e xustificación, etc.

III.12. As competencias municipais en materia de cooperación internacional descentralizada atopan fundamento tanto na lexislación de réxime local (Arts. 2 e 25 LRBRL, 80.1 LALGA...) como, especificamente, na lexislación sectorial estatal e autonómica. Así:

1. A L.23/1998, do 7 de xullo, do Estado, de Cooperación internacional para o desenvolvemento, habilita expresamente para que desde as entidades locais se leven a cabo accións e programas incluíbles no concepto de “*cooperación para o desenvolvemento*”, expresión solidaria da sociedade local que, en todo caso, basearase nos principios de autonomía orzamentaria e autorresponsabilidade no seu desenvolvemento e execución (no marco da política española de cooperación internacional para o desenvolvemento) e no de colaboración entre Admóns. Públicas, tocante ó acceso e participación da información e máximo aproveitamento dos recursos públicos. A lei inclúe entre os obxectivos da política de cooperación internacional a prevención e atención das situacións de emerxencia mediante a prestación de accións de axuda humanitaria (Arts. 3 e 20).
2. A L.10/2021, do 9 de marzo, reguladora da acción exterior e da cooperación para o desenvolvemento de Galicia, recoñece tamén esa mesma capacidade municipal para intervir en materia de cooperación internacional, considerando ás entidades locais como “*axentes da cooperación para o desenvolvemento*” (Art. 96.3.a)].
3. Finalmente, a L.2/2014, do 25 de marzo, da Acción e do Servizo exterior do Estado, reafirma que as entidades locais poden actuar no eido da cooperación internacional para o desenvolvemento e expresa que a Acción exterior neste sector orientarase a contribuír á erradicación da pobreza, ó desenvolvemento humano sostible e ó pleno exercicio dos dereitos, mediante a consolidación dos procesos democráticos e o Estado de Dereito, a redución das desigualdades, o fomento dos sistemas de cohesión social, a promoción dos dereitos das mulleres e a igualdade de xénero, dando unha resposta de calidade ás crisis humanitarias.

A seguir, enumera entre os suxeitos da Acción Exterior do Estado ás Admóns. Públicas (entre as que, loxicamente, inclúese a Admón. local) e prescribe o deber dos órganos constitucionais, as CCAA, as Cidades Autónomas, «*as entidades que integran a Administración Local*» e os organismos, entidades e institucións delas dependentes de manter informado ó Ministerio de Asuntos Exteriores e de Cooperación das súas propostas sobre actuacións con proxección exterior, para que este departamento poida informar e, de ser o caso, emitir recomendacións motivadas



Copia do documento - Concello de Vigo	Data impresión: 04/07/2024 09:36	Páxina 5 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

sobre a adecuación da proposta de actuación ás directrices, fins e obxectivos da Política Exterior fixados polo Goberno e os instrumentos de planificación establecidos por esta lei (Arts. 5, 11 e ccetes.).

Esta atribución competencial realizada pola lexislación sectorial en materia de cooperación internacional para o desenvolvemento ten fundamento mediato na propia CE/1978 (Preámbulo, Título Preliminar, Arts. 9.2, 10, 137...) e resulta congruente co contido do Art. 10.3 da Carta Europea de Autonomía local, ratificada por España, que establece que as entidades locais poderán, nas condicións eventualmente previstas pola Lei, cooperar coas entidades doutros Estados.

Outra cousa é o alcance do exercicio desta competencia, que estará necesariamente supeditado ás directrices da política española de cooperación internacional para o desenvolvemento e delimitado pola aplicación dos principios de colaboración, autonomía orzamentaria, autorresponsabilidade no seu desenvolvemento e execución e cumprimento da lexislación en materia de estabilidade e sostibilidade orzamentaria.

III.13. No proxecto presentado ó Concello de Vigo pola «FUNDACIÓN MUJERES POR ÁFRICA» non se inclúe, como sería desexable, un apartado específico relativo á xustificación da súa coherencia coas políticas de acción humanitaria do Estado e da CA de Galicia. Sí xustifica en detalle a súa conformidade cos plans e estratexias do goberno de Cabo Verde en materia de educación e igualdade de xénero e tamén cos ODS das Nacións Unidas relativos ó acceso igualitario ós recursos económicos e servizos básicos, á educación, a igualdade de xénero e a redución das desigualdades (ODS núms. 1, 4, 5 e 10).

En calquera caso, tal coherencia sí estaría acreditada porque o «V Plan Director da Cooperación Española 2018 – 2021» menciona a Cabo Verde dentro do apartado de “países de cooperación avanzada” en África, xunto con Exipto, Guinea Ecuatorial e Túnez e o «IV Plan Director da Cooperación Galega 2018 – 2021» inclúe a Cabo Verde dentro dos países prioritarios desa cooperación galega na área de África subsahariana, xunto con Guinea Bissau e Mozambique.

De feito, xa en anos anteriores o Concello de Vigo financiara o desenvolvemento de proxectos de cooperación internacional en Cabo Verde a través do «Fondo Galego de Cooperación e Solidariedade» (FGCS), do que formou parte, como socio de pleno dereito, desde 1998 (Acordo Plenario de 03.08.1998) e ata o ano 2015, no que se decidiu a “separación voluntaria” do Concello de Vigo do FGCS (Acordo Plenario do 28.09.2015).

Así:

- En 2013 concedeuse unha subvención de 25.000 €, que se instrumentou mediante a sinatura do «CONVENIO DE COLABORACIÓN ENTRE O CONCELLO DE VIGO E O FONDO GALEGO DE COOPERACIÓN E SOLIDARIEDADE PARA A EXECUCIÓN DUN PROXECTO DE MELLORA NA XESTIÓN DE RESIDUOS NA CÁMARA MUNICIPAL DE PORTO NOVO – ILLA DE SANTO ANTÃO (CABO VERDE)».
- No mesmo ano 2013, asinouse tamén o «CONVENIO DE COLABORACIÓN ENTRE O CONCELLO DE VIGO E O FONDO GALEGO DE COOPERACIÓN E SOLIDARIEDADE PARA A EXECUCIÓN DUN PROXECTO DE DINAMIZACIÓN DA



Copia do documento - Concello de Vigo	Data impresión: 04/07/2024 09:36	Páxina 6 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

AGRICULTURA PARA PROMOVER UN DESENVOLVEMENTO SUSTENTABLE NA CÁMARA MUNICIPAL DE SANTA CRUZ – CIDADE DE PEDRA BADEJO, ILLA DE SANTIAGO (CABO VERDE)», cunha dotación de 29.600 €.

- En 2014 formalizouse co FGCS o «CONVENIO DE COLABORACIÓN ENTRE O CONCELLO DE VIGO E O FONDO GALEGO DE COOPERACIÓN E SOLIDARIEDADE PARA A EXECUCIÓN DO PROXECTO: “COOPERATIVA SULADA”. NA CREACIÓN DE RENDEMENTOS PARA A LOITA CONTRA O DESEMPREGO NA CÁMARA MUNICIPAL DE RIBEIRA GRANDE DE SANTIAGO (CABO VERDE)»; proxecto subvencionado polo Concello de Vigo con 26.000 € e co que se pretendía promover a equidade e a igualdade de xénero a través do empoderamento socioeconómico dos grupos de produtoras da zona costeira de Ribeira Grande de Santiago, organizadas na cooperativa “Sulada”.
- En 2015 estaba tamén prevista a sinatura do «CONVENIO DE COLABORACIÓN ENTRE O CONCELLO DE VIGO E O FONDO GALEGO DE COOPERACIÓN E SOLIDARIEDADE PARA A EXECUCIÓN DO PROXECTO: “COOPERATIVA SULADA”. NA CREACIÓN DE RENDEMENTOS PARA A LOITA CONTRA O DESEMPREGO NA CÁMARA MUNICIPAL DE RIBEIRA GRANDE DE SANTIAGO (CABO VERDE) – 2ª FASE» (26.000€), para dar continuidade ás accións xa emprendidas en 2014, e do «CONVENIO DE COLABORACIÓN ENTRE O CONCELLO DE VIGO E O FONDO GALEGO DE COOPERACIÓN E SOLIDARIEDADE PARA A EXECUCIÓN DUN PROXECTO DE DINAMIZACIÓN DA AGRICULTURA PARA PROMOVER UN DESENVOLVEMENTO SUSTENTABLE NA CÁMARA MUNICIPAL DE SANTA CRUZ – CIDADE DE PEDRA BADEJO, ILLA DE SANTIAGO (CABO VERDE) – 2ª FASE» (26.000€), co que se pretendía revitalizar a práctica agrícola para loitar contra a pobreza e contribuír á seguridade alimentaria das familias con menores recursos do municipio de Santa Cruz e á xestión eficiente da escasa auga dispoñible, dando continuidade ás accións iniciadas ó abeiro do anterior Convenio de 2013; sinaturas que, finalmente, non se chegaron a materializar (Exps. núms. 113908/301 e 113893/301).

III.14. Toda vez que ten transcendencia económica, antes da súa aprobación polo órgano competente (XGL), o expediente deberá ser sometido a informe preceptivo de fiscalización previa pola Intervención xeral municipal (Art. 214 TRLRFL), a fin de verificar a existencia de crédito axeitado e suficiente para atender ás obrigas de contido económico derivadas da concesión da subvención.

III.15. O informe xurídico dáse por evacuado nos termos contidos no presente informe-proposta, redactado e asinado polo Asesor xurídico adxunto á Xefatura de Benestar social (Resolución Concelleiro delegado da Área de Xestión municipal do 07.02.2013).

IV. PROPOSTA DE ACORDO

En consecuencia, visto o que antecede e a normativa aplicable, propónse á Xunta de Goberno Local (Art. 127.1.g) LRBRL, Art. 31 LSG e ccdtes.), previo informe da Intervención xeral municipal, a adopción do seguinte,
«ACORDO

PRIMEIRO.- Conceder á «FUNDACIÓN MUJERES POR ÁFRICA» unha subvención directa, por razóns humanitarias, por importe de 10.000€ (DEZ MIL EUROS) para o



Copia do documento - Concello de Vigo	Data impresión: 04/07/2024 09:36	Páxina 7 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

desenvolvemento en 2021 do proxecto: “Estrategia de apoio en el contexto Covid 19 para estudiantes embarazadas, puérperas y madres de las escuelas beneficiarias del Proyecto Ela Estuda por Dois (Cabo Verde)” (Exp. n.º 220445/301).

SEGUNDO.- Aprobar e autorizar o gasto de 10.000€ con cargo á aplicación nº 2310.480.00.08 dos orzamentos vixentes e á súa bolsa de vinculación, a favor da «FUNDACIÓN MUJERES POR ÁFRICA», CIF G86367547.

TERCEIRO.- Publicar a subvención concedida no “Portal da Transparencia e Bo Goberno” do Concello de Vigo (<http://transparencia.vigo.org>) e remitir a información precisa á Base de Datos Nacional de Subvencións (BDNS), na que se deberá rexistrar unha “convocatoria instrumental” e os datos estruturados inmediatamente despois da concesión

CUARTO.- A concesión desta subvención rexerese polas seguintes Estipulacións:

1ª.- *Obxecto*: o obxecto desta subvención será a execución, no anos 2021, do proxecto da «FUNDACIÓN MUJERES POR ÁFRICA»: “Estrategia de apoio en el contexto Covid 19 para estudiantes embarazadas, puérperas y madres de las escuelas beneficiarias del Proyecto Ela Estuda por Dois (Cabo Verde)”, co que se pretende previr o abandono e o fracaso escolar das estudantes embarazadas, puérperas e nais en catro escolas secundarias da Illa de Santiago, en Cabo Verde, mitigar os efectos da pandemia da COVID-19 e, en definitiva, garantir o seu dereito á educación no sistema Caboverdiano de ensino secundario.

2ª.- *Beneficiarios/as e modalidades de axuda*: as persoas beneficiarias directas da axuda municipal serán as alumnas embarazadas, puérperas e nais das catro escolas secundarias seleccionadas. O proxecto comprende a adquisición e distribución de kits de apoio con materiais de primeira necesidade, uniformes escolares adaptados e material de hixiene e prevención fronte á COVID-19.

3º.- *Crédito orzamentario*: o gasto que representa para o Concello de Vigo esta subvención (10.000€) poderá financiarse con cargo á aplicación nº 2310.480.00.08 dos vixentes orzamentos municipais e á súa bolsa de vinculación.

4º.- *Pagamento*: tendo en conta as características humanitarias do proxecto (enmarcable nas axudas de cooperación ó desenvolvemento), realizarase un pagamento anticipado polo 100% do importe concedido, que se xustifica legalmente na necesidade de acadar unha maior eficacia e eficiencia na xestión dos fondos públicos destinados á cooperación para o desenvolvemento, tal como se indica na Disposición adicional 2ª, apdo. 2, da L.9/2007 (LSG), que permite arbitrar nas bases reguladoras da subvención “sistemas específicos de pagamentos anticipados de ata o 100% da subvención concedida” («Réxime especial das axudas en materia de cooperación exterior»).

De acordo co artigo 42 do Real Decreto 887/2006, de 21 de xullo, Regulamento da Lei xeral de subvencións e a propia Disposición adicional 2ª, apdo. 2, da LSG, non será esixible a constitución de garantías.

5º.- *Compatibilidade*: esta subvención será compatible con calquera outra subvención ou axuda para a mesma finalidade procedente de calquera outra Administración ou de entes públicos ou privados, nacionais, da Unión Europea ou de organismos internacionais. Con



Copia do documento - Concello de Vigo	Data impresión: 04/07/2024 09:36	Páxina 8 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

todo, a beneficiaria deberá comunicar ó Concello de Vigo a obtención doutras posibles subvencións, axudas, ingresos ou recursos que financien a actividade subvencionada.

Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos. En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no Art. 34 do RD.887/2006, do 21 de xullo.

Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción.

A comunicación destas circunstancias ó Concello deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

6ª.- *Xustificación*: ó abeiro do previsto na Disposición adicional 2ª, apdo. 2, da LSG, establécese un réxime especial de xustificación.

A documentación xustificativa da subvención deberá achegarse necesariamente antes do 01.11.2021 a través da sé electrónica do Concello de Vigo (<https://sede.vigo.org/expedientes/sede/?lang=gal#2>) por calquera dos mecanismos de identificación admitidos nela.

A entidade beneficiaria deberá presentar un informe final que constará de dúas partes:

1ª) Xustificación técnica: indicará co máximo detalle posible as actividades realizadas, obxectivos acadados e resultados obtidos.

2ª) Xustificación económica: comprenderá toda a documentación que acredite os gastos efectuados con cargo á subvención concedida e realizarse mediante conta xustificativa que incluíra a declaración das actividades realizadas e o seu custo, coa desagregación de cada un dos gastos realizados.

A xustificación técnica incluíra:

- Certificación da persoa que ostente a representación legal da entidade beneficiaria acreditativa da total realización do proxecto e da aplicación dos fondos ó fin destinado.
- Informe final de execución sobre os obxectivos, actividades e resultados acadados polo proxecto. Deberá estar asinado pola persoa responsable da xestión técnico-económica do proxecto.

A xustificación económica comprenderá toda a documentación que acredite os gastos efectuados con cargo á subvención concedida. A conta xustificativa será con entrega de informe de auditor/a, que incluíra:



Copia do documento - Concello de Vigo	Data impresión: 04/07/2024 09:36	Páxina 9 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- a) Certificación dos gastos polo importe total do proxecto, asinada pola persoa que ostente a representación legal da entidade beneficiaria.
- b) (De ser o caso) Declaración responsable do representante legal da entidade, complementaria e actualizada, doutras axudas solicitadas, pendentes de resolución, outorgadas ou recibidas para o proxecto subvencionado.
- c) Relación de todos os gastos efectuados, con indicación da data e do número da factura ou do documento xustificativo do gasto, identificación do emisor das mesmas, data e forma de pagamento e descrición do gasto co seu importe en moeda local e o seu equivalente en euros.
- d) Informe do/a auditor/a de contas, que deberá estar inscrito/a como exercente no Rexistro Oficial de Auditores de Contas (ROAC) no caso de ser realizada por persoal sometido á lexislación española. Tamén poderá ser realizada por auditores/as exercentes no país onde se leve a cabo o proxecto, sempre que no país de referencia exista un réxime de habilitación para o exercicio da actividade de auditoría de contas.

A presentación da auditoría coma forma xustificativa do gasto non exige á entidade beneficiaria da subvención do mantemento do soporte documental de acordo cos prazos estipulados pola normativa aplicable.

A beneficiaria deberá facilitar, de ser o caso, a información complementaria que lle sexa requirida pola Concellería de Política de Benestar Social e pola Intervención xeral municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

7ª.- *Protección de datos*: en cumprimento do Regulamento (UE) 2016/679 sobre protección de datos de carácter persoal, da Lei Orgánica 3/2018, do 5 de decembro, de Protección de datos persoais e garantía dos dereitos dixitais e das demais disposicións vixentes nesta materia, infórmase que os datos da entidade beneficiaria e os dos seus representantes serán incorporados ós correspondentes ficheiros municipais baixo a responsabilidade do Concello de Vigo e ás bases de datos de xestión municipal e de Benestar social. A finalidade da súa recollida e tratamento é a instrución do procedemento para a concesión da subvención obxecto desta Resolución, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e as demais actuacións previstas na normativa reguladora das subvencións públicas, en orde á conclusión do proceso de subvencións.

Poderán ser cedidos a outras Administracións, organismos e institucións, asumindo estas as obrigas dos responsables de tratamento de datos. Tamén poderán ser cedidos en cumprimento dun mandato legal ou xudicial e verificados e cotexados con calquera outros dos que as demais Administracións dispoñan a fin de comprobar a súa exactitude e veracidade. A base lexitimadora do tratamento previsto reside no consentimento expreso das persoas que representan á entidade beneficiaria e no exercicio lexítimo das competencias municipais atribuídas pola normativa de réxime local e sectorial aplicable. As persoas interesadas poden exercitar os dereitos de acceso, rectificación, supresión, oposición, limitación do tratamento e portabilidade así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo, teñen



Copia do documento - Concello de Vigo	Data impresión: 04/07/2024 09:36	Páxina 10 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

dereito a presentar unha reclamación perante a Axencia Española de Protección de Datos (www.aepd.es). Disporán de máis información na web municipal ou contactando co delegado de protección de datos no enderezo: dpd.vigo@vigo.org

8ª.- *Réxime xurídico aplicable:* A concesión da subvención obxecto deste Convenio rexerese, ademais de polas anteriores estipulacións, pola L.38/2003 do 17 de novembro, xeral de subvencións e o RD.887/2006, do 21 de xullo, polo que se aprobou o seu Regulamento, nos seus preceptos básicos; a lexislación básica do Estado en materia de réxime local; a L.9/2007, do 13 de xuño, de subvencións de Galicia; os preceptos non básicos da L.38/2003 e do RD.887/2006; as Bases de Execución dos orzamentos municipais e as restantes normas de dereito administrativo e, no seu defecto, as normas de dereito privado».

Non obstante, a Xunta de Goberno Local adoptará o acordo que estime máis conveniente para os intereses municipais.

Acordo:

A Xunta de Goberno Local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/rs

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 04/07/2024 09:36	Páxina 11 de 11
SUBVENCIONS	CSV: A2AF5E-BBA386-B9DF3D-6HEFCQ-87UXCA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		